

TARIKH : 27 JULAI 2020

AKHBAR : Kosmo

MUKA SURAT : M/S 38



MUSTAPA (tiga dari kiri) menyaksikan seorang peserta PAKS membuat demonstrasi masakan di Gua Musang, Kelantan baru-baru ini.

## PAKS jana pendapatan peserta ECER

**KUALA LUMPUR** – Projek Agropolitan Kelantan Selatan (PAKS) di Gua Musang berjaya meningkatkan taraf hidup 590 pesertanya sekali gus merencanakan kegiatan Industri pertanian di Wilayah Ekonomi Pantai Timur (ECER).

Menurut Menteri di Jabatan Perdana Menteri (Ekonomi), Datuk Seri Mustapa Mohamed, menerusi program berkenaan, peserta ditempatkan semula di rumah baharu yang dibina oleh Majlis Pembangunan ECER.

"Peserta ditawarkan pekerjaan dalam aktiviti perniagaan tani dengan pendapatan mampuan, pada purata RM1,500 sebulan berbanding sekitar RM400 sebelum ini," katanya dalam kenyataan akhbar bersempena lawatan kerja ke PAKS di sini

baru-baru ini.

Mustapa menjelaskan, projek tersebut memberi penekanan terhadap usaha bersepadu yang melibatkan penempatan peserta dalam aktiviti primer perladangan kelapa sawit serta aktiviti sekunder seperti penanaman koko, cili dan pelancongan agro.

Sejak pelaksanaannya pada tahun 2009, perubahan yang ketara dapat disaksikan dalam kehidupan peserta PAKS selain hasil daripada komitmen dan usaha gigih mereka.

"Anak-anak peserta juga telah mendapat manfaat daripada persekitaran yang lebih selesa dan berjaya meningkatkan pencapaian akademik.

"Saya berharap dalam jangka masa panjang, projek ini akan mencapai kemampunan dan te-

rus meningkatkan taraf hidup peserta," terangnya.

Tambah beliau, program pembangunan modal insan ECERDC di negeri Kelantan telah memberi manfaat kepada lebih daripada 24,458 rakyat yang mana keseluruhan peserta terdiri daripada golongan B40.

ECERDC bekerjasama dengan Lembaga Kemajuan Kelantan Selatan (Kesedar) yang bertindak sebagai agensi pelaksana utama untuk projek PAKS.

Agensi tersebut telah membantu meningkatkan kemahiran peserta tempatan melalui latihan berkala untuk membekalkan peserta dengan pengetahuan teknikal mengenai tanaman kelapa sawit dan koko serta program pembangunan sendiri.